



МОЛИТВОСЛОВ

ДЛЯ ГОТОВЯЩИХСЯ
К ИСПОВЕДИ
И ПРИЧАСТИЮ



Сборник Молитвослов для готовящихся к Исповеди и Причастию (с отдельными канонами)

*http://www.litres.ru/pages/biblio_book/?art=37678624
Молитвослов для готовящихся к Исповеди и Причастию: Данилов
мужской монастырь;
ISBN 978-5-89101-608-8*

Аннотация

В предлагаемом вашему вниманию молитвослове канон покаянный ко Господу нашему Иисусу Христу, молебный ко Пресвятой Богородице и Ангелу Хранителю даются не в составе трехканонника, а отдельно, в своем классическом виде. Для усердствующих в состав молитв ко Причастию можно включать напечатанные в нашей книге акафисты Иисусу Сладчайшему, Пресвятой Богородице и святителю Николаю. Также для удобства подготовки к Причастию даны тропари воскресные, дневные на всю седмицу и двенадцатым праздникам. Кроме того, в книге даны подробные справки о подготовке к Таинствам Покаяния и Причащения.

В формате a4.pdf сохранен издательский макет книги.

Содержание

Молитвы утренние	4
Молитвы на сон грядущим	20
Конец ознакомительного фрагмента.	23

Молитвослов для готовящихся к Исповеди и Причастию

Молитвы утренние

Встав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:

Во имя Отца, и Сына, и Святаго Духа. Аминь.

Затем немного подожди, пока все чувства твои не придут в тишину, и мысли твои не оставят все земное, и тогда произноси следующие молитвы, без поспешности и со вниманием сердечным:

Молитва мытаря

(Евангелие от Луки, глава 18, стих 13.)

Бóже, мѣлостив бѹди мне грѣшному. (*Поклон.*)

Молитва предначинательная

Моли́твами святы́х оте́ц на́ших, Го́споди Иису́се Христе́
Бо́же наш, поми́луй нас. Ами́нь.

Сла́ва Тебе́, Бо́же наш, сла́ва Тебе́.

Молитва Святому Духу

Царю́ Небе́сный, Уте́шителю, Ду́ше и́стины, Иже вездѣ
сый и вся исполня́й, Сокро́вище благи́х и жи́зни Пода́телю,
прииди́ и всели́ся в ны, и очи́сти ны от вся́кия скве́рны, и
спаси́, Бла́же, ду́ши на́ша.

[От Пасхи до Вознесения вместо этой молитвы читается тропарь:

Христо́с воскресе́ из ме́ртвых, сме́ртию смерть попра́в, и

сущим во гробѣхъ живѣт даровавъ. (*Трижды.*)

*От Вознесения до Троицы после молитвы предначина-
тельной сразу читаем «Святѣй Бѣже...».]*

Трисвятое

Святѣй Бѣже, Святѣй Крѣпкій, Святѣй Безсмѣртный,
помилуй нас. (*Читается трижды, с крестным знаменем и
поясным поклоном.*)

Слава Отцу и Сыну и Святому Духу, и ныне и присно и
во веки вековъ. Аминь.

Молитва Пресвятой Троице

Пресвятая Троице, помилуй нас; Господи, очисти грехи
наша; Владыко, прости беззакония наша; Святѣй, посети и
исцели немощи наша, имене Твоего ради.

Господи, помилуй. (*Трижды.*) Слава, и ныне¹:

Молитва Господня

Отче наш, Иже еси на Небесѣхъ, да святится имя Твое, да

¹ Когда написано «Слава», «И ныне», надо читать полностью: «Слава Отцу и
Сыну и Святому Духу и ныне и присно и во веки вековъ. Аминь».

приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари Тробичные

Воста́вше от сна, припа́даем Ти, Бла́же, и а́нгельскую песнь вопи́ем Ти, Си́льне: Свят, Свят, Свят еси́, Бо́же, Богоро́дицею поми́луй нас.

Сла́ва: От одра́ и сна воздв́игл мя еси́, Го́споди, ум мой просвети́ и се́рдце, и устне́ мой отве́рзи, во е́же пе́ти Тя, Свята́я Троби́це: Свят, Свят, Свят еси́, Бо́же, Богоро́дицею поми́луй нас.

И ны́не: Внеза́пу Судия́ приидет, и коего́ждо дея́ния обнажа́тся, но стра́хом зове́м в полу́нощи: Свят, Свят, Свят еси́, Бо́же, Богоро́дицею поми́луй нас.

Го́споди, поми́луй. (*12 раз.*)

Молитва Пресвятой Троице

От сна воста́в, благодарю́ Тя, Свята́я Троби́це, яко мно́гия ра́ди Твоея́ бла́гости и долготерпе́ния не прогне́вался еси́ на мя, лени́ваго и грешнаго, ниже́ погуби́л мя еси́ со беззако́нь-

ми моими; но человеколюбожествовал еси обычно и в нечаянии лежащаго воздвигл мя еси, во еже утревати и славословити державу Твою. И ныне просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечном, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся Цареву нашему Богу. *(Поклон.)*

Приидите, поклонимся и припадём Христу, Цареву нашему Богу. *(Поклон.)*

Приидите, поклонимся и припадём Самому Христу, Цареву и Богу нашему. *(Поклон.)*

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих; яко да оправдишися во словесах Твоих, и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси; безвестная и тайная премудрости Твоея явил ми еси. Окропиши мя иссопом, и очыщуся; омыеши мя, и паче снега убелюся. Слуху моему даши радость и веселие; возрадуются кости смирен-

ныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеш, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Символ веры

¹Верую во единого Бога Отца Вседержителя, Творца небу и земли, видимым же всем и невидимым. ²И во единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, не сотворенна, единосущна Отцу, Имже вся быша. ³Нас ради человек, и нашего ради спасения сшедшаго с Небес, и воплотившагося от

Духа Свята и Маріи Дёвы, и вочеловёчшася. ⁴Распятаго же за ны при Понтійстем Пилáte, и страда́вша, и погребённа. ⁵И воскреса́шаго в трéтий день по Писáнием. ⁶И возше́дшаго на Небеса́, и сидя́ща одесну́ю Отца́. ⁷И па́ки гряду́щаго со сла́вою суди́ти живы́м и мёртвым, Егóже Цáрствию не бу́дет конца́. ⁸И в Духа Свята́го, Го́спода Животворя́щаго, Иже от Отца́ исходя́щаго, Иже со Отце́м и Сы́ном спокланя́ема и ссла́вима, глаго́лавшаго проро́ки. ⁹Во еди́ну Святу́ю Собо́рную и Апóстольскую Цéрковь. ¹⁰Испове́дую еди́но креще́ние во оставле́ние грехо́в. ¹¹Ча́ю воскресе́ния мёртвых, ¹²и жи́зни бу́дущаго ве́ка. Ами́нь.

Молитва 1-я, святого Макария Великого

Бо́же, очисти мя грешнаго, яко николи́же сотвори́х благо́е пред Тобо́ю, но изба́ви мя от лука́ваго, и да бу́дет во мне во́ля Твоя́; да неосужде́нно отве́рзу уста́ моя́ недосто́йная и восхвалю́ и́мя Твое́ свято́е, Отца́ и Сы́на и Свята́го Ду́ха, ны́не и при́сно и во ве́ки веко́в. Ами́нь.

Молитва 2-я, того же святого

От сна воста́в, полунощную песнь приношу́ Ти, Спа́се, и припа́дая вопию́ Ти: не даждь ми усну́ти во грехо́вней сме́р-

ти, но ущѣдри мя, распныйся волею, и лежащаго мя в лѣности ускоривъ возстави, и спаси мя в предстоянии и молитве; и по сне ношнемъ возсияй ми день безгрѣшен, Христѣ Бѣже, и спаси мя.

Молитва 3-я, того же святого

К Тебѣ, Владыко Человеколюбче, от сна востаѡ прибѣгаю, и на дела Твоя подвизаюся милосѣрдиемъ Твоимъ, и молюся Тебѣ: помози ми на всякое время, во всякой вещи, и избави мя от всякия мирскія злыя вещи и диавольскаго поспешенія, и спаси мя, и введи в Царство Твое вѣчное. Ты бо еси мой Сотворитель и всякому благу Промысленникъ и Податель, о Тебѣ же все упованіе мое, и Тебѣ славу возсылаю, ныне и присно и во веки вековъ. Аминь.

Молитва 4-я, того же святого

Господи, Иже многою Твоею благостию и великими щедротами Твоими дал еси мне, рабу Твоему, мимошедшее время нощи сея без напасти прейти от всякаго зла противна; Ты Сам, Владыко, всяческихъ Творче, сподоби мя истиннымъ Твоимъ свѣтомъ и просвѣщеннымъ сердцемъ творити волю Твою, ныне и присно и во веки вековъ. Аминь.

Молитва 5-я, святого Василия Великого

Господи Вседержителю, Боже сил и всякия плоти, в вышних живый и на смиренные призираяй, сердца же и утробы испытуйай и сокровенная человеков яже предведый, Безначальный и Присносущный Свете, у Него же несть пременения, или преложения осенение; Сам, Безсмертный Царю, прими моления наша, яже в настоящее время, на множество Твоих щедрот дерзаяще, от скверных к Тебе устен творим, и остави нам прегрешения наша, яже делом, и словом, и мыслию, ведением или неведением согрешенная нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящего жития ночь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, вонже со славою Судия всех придет, комуждо одати по делу его; да не падше и обленившися, но бодрствуяще и воздвижени в делание обрящемся готови, в радость и Божественный чертог славы Его совидем, идеже празднующих глас непрестанный, и неизреченная сладость зрящих Твоего лица доброту неизреченную. Ты бо еси истинный Свет, просвещааяй и освящааяй всяческая, и Тя поет вся тварь во веки веков. Аминь.

Молитва 6-я, того же святого

Тя благословім, вы́шний Бóже и Гóсподи мѣлости, тво-рящаго прѣсно с нами великая же и неизслѣдованная, сла́вная же и ужасная, ихже несть числа, пода́вшаго нам сон во упоко́ение нѣмоши на́шея, и ослаблѣние трудо́в многотру́дныя плóти. Благодарім Тя, яко не погубѣл еси́ нас со беззако́ными на́шими, но человеколю́бствовал еси́ обы́чно, и в неча́янии лежа́щая ны воздвѣгл еси́, во е́же славослóвити держа́ву Твою́. Тѣмже мо́лим безме́рную Твою́ бла́гость, просветѣ́ на́ша мы́сли, очеса́, и ум наш от тяжкаго сна лѣности возста́ви: отвѣрзи на́ша уста́, и испóлни я́ Твоегó хвалѣ́ния, яко да возмо́жем непоколе́блемо пѣти же и исповѣ́датися Тебѣ́, во всех и от всех сла́вимому Бóгу, Безнача́льному Отцу́, со Единоро́дным Твоѣ́м Сы́ном, и Всесвяты́м и Благи́м и Животворя́щим Твоѣ́м Ду́хом, ны́не и прѣсно и во ве́ки веко́в. Ами́нь.

Молитва 7-я, ко Пресвятой Богородице

Воспева́ю благода́ть Твою́, Влады́чице, молю́ Тя, ум мой облагодати́. Ступа́ти пра́во мя наста́ви, путю́ Христо́вых за́поведей. Бде́ти к пѣсни укрепи́, уны́ния сон отгоня́ющи. Свя́зана плени́цами грехопаде́ний, мольба́ми Твоѣ́ми разре-

шии, Богоневѣсто. В нощи мя и во дни сохраняй, борющаго
врага избавляющаго мя. Жизнодателя Бѣга рѣдшаго, умерщ-
вленаго мя страстьми оживи. Яже Свет невечерний рѣдшаго,
душу мою ослѣпшую просвети. О дивная Владычня палато,
дом Духа Божественна мене сотвори. Врача рѣдшаго, увра-
чуи души моея многолѣтныя страсти. Волнующася житей-
скою бурей, ко стези мя покаяния направи. Избави мя огня
вечнаго, и червья же злаго, и тартара. Да мя не явиши
бесом радование, иже многим грехом повинника. Нога со-
твори мя, обещавшаго нечувственными, Пренепорочная,
согрешении. Странна муки всякия покажи мя, и всех Вла-
дыку умоли. Небесная ми улучшить веселия со всеми свя-
тыми сподоби. Пресвятая Дѣво, услыши глас непотребнаго
раба Твоего. Струю давай мне слезам, Пречистая, души моея
скверну очищающаго. Стенания от сердца приношу Ти непре-
станно, усердствуй, Владычице. Молѣбную службу мою при-
ими, и Бѣгу благоутробному принеси. Превышшая Ангел,
мирскаго мя превышша слития сотвори. Светоносная Сѣне
небесная, духовную благодать во мне направи. Руце воздею и
устне к похвалению, осквернены скверною, Всенепорочная.
Душетленных мя пакостей избави, Христа прилѣжно умо-
ляющаго; Ему же честь и поклонение подобает, ныне и присно
и во веки веков. Аминь.

Молитва 8-я, Господу нашему Иисусу Христу

Многомилостиве и Всемилостиве Бóже мой, Гóсподи Иисúсе Христé, мно́гия ра́ди любве́ сшел и воплотíлся еси́, я́ко да спасе́ши всех. И па́ки, Спа́се, спаси́ мя по благода́ти, молю́ Тя; а́ще бо от дел спасе́ши мя, несть се благода́ть и дар, но долг па́че. Ей, мно́гий в щедро́тах и неизрече́нный в милости! Ве́руйяй бо в Мя, рекл еси́, о Христé мой, жив бу́дет и не у́зрит сме́рти во ве́ки. Аще у́бо ве́ра, я́же в Тя, спаса́ет отча́янные, се ве́рую, спаси́ мя, я́ко Бог мой еси́ Ты и Созда́тель. Ве́ра же вме́сто дел да вмени́тся мне, Бóже мой, не обрящеши бо дел отню́д оправда́ющих мя. Но та́ ве́ра моя́ да довлéет вме́сто всех, та да отвеща́ет, та да оправди́т мя, та да пока́жет мя прича́тника сла́вы Твоея́ ве́чныя. Да не у́бо похи́тит мя сатана́, и похва́лится, Сло́ве, е́же отто́ргнути мя от Твоея́ руки́ и огра́ды; но или́ хошú, спаси́ мя, или́ не хошú, Христé Спа́се мой, предвари́ ско́ро, ско́ро погибо́х: Ты бо еси́ Бог мой от чре́ва ма́тере моея́. Сподóби мя, Гóсподи, ны́не возлюби́ти Тя, я́коже возлюбíх иногда́ той са́мый грех, и па́ки порабо́тати Тебе́ без ле́ности то́щно, я́коже порабо́тах пре́жде сатанé льсти́вому. Наипа́че же порабо́таю Тебе́, Гóсподу и Бо́гу моему́ Иисúсу Христу́, во вся дни живото́а моего́, ны́не и при́сно и во ве́ки веко́в. Амíнь.

Молитва 9-я, к Ангелу Хранителю

Святы́й Ангеле, предсто́яй ока́янной мо́ей ду́шѣ и стра́стной мо́ей жи́зни, не оста́ви мене́ грѣшнаго, ниже́ отступѣ́ от мене́ за невозде́ржание моѐ. Не даждь ме́ста лука́вому де́мону облада́ти мно́ю, наси́льством сме́ртнаго сегó теле́се; укрепи́ бе́дствующую и худу́ю мою́ ру́ку и наста́ви мя на путь спасе́ния. Ей, святы́й Ангеле Бо́жий, храните́лю и покровите́лю ока́янных моея́ ду́шѣ и те́ла, вся мне прости́, ели́кими ты оскорби́х во вся дни живота́ моего́, и а́ще что согрѣши́х в прешѣдшую ночь сию́, покрѣй мя в настоя́щий день, и сохрани́ мя от всякаго искуше́ния проти́внаго, да ни в ко́ем гресе́ прогне́ваю Бо́га, и моли́ся за мя ко Го́споду, да утверди́т мя в стра́се Своём, и досто́йна пока́жет мя раба́ Своея́ бла́гости. Ами́нь.

Молитва 10-я, ко Пресвятой Богородице

Пресвята́я Влады́чице моя́ Богоро́дице, святы́ми Твои́ми и всеси́льными мольба́ми отжени́ от мене́, смире́ннаго и ока́яннаго раба́ Твоего́, уны́ние, забвѣние, неразу́мие, нераде́ние, и вся скве́рная, лука́вая и ху́льная помышле́ния от ока́яннаго моего́ се́рдца и от помраче́ннаго ума́ моего́; и погаси́ пла́мень страсте́й мои́х, я́ко нищ есмь и ока́янен. И из-

бáви мя от мно́гих и лю́тых воспомина́ний и предпри́ятий,
и от всех де́йств злых свободи́ мя. Яко благослове́нна еси́ от
всех ро́дов, и сла́вится пречестно́е и́мя Твое́ во ве́ки веко́в.
Ами́нь.

Молитвенное призывание святого, имя которого носишь

Моли́ Бо́га о мнѣ, святы́й уго́днице Бо́жий (*имя*), я́ко аз
усе́рдно к Тебе́ прибега́ю, ско́рому помо́щнику и моли́твен-
нику о душе́ моёй.

Песнь Пресвятой Богородице

Богоро́дице Де́во, ра́дуйся, Благода́тная Мари́е, Госпо́дь с
Тобо́ю; благослове́нна Ты в жена́х и благословен пло́д чре́ва
Твоего́, я́ко Спа́са родила́ еси́ душ на́ших.

Тропарь Кресту и молитва за Отечество

Спаси́, Го́споди, лю́ди Твоя́, и благослови́ досто́яние Твое́,
побе́ды на сопроти́вныя да́руя, и Твое́ сохраня́я Кресто́м
Твои́м жи́тельство.

Молитва о живых

Спаси, Господи, и помилуй рабов Твоих: отца моего духовнаго (*имя*), родителей моих (*имена их*), сродников (*имена*), начальников, наставников, благодетелей (*имена*), и всех православных христиан (*поклон*). Избави их от всякия скорби, гнева и нужды (*поклон*), от всякия болезни душевныя и телесныя (*поклон*). Прости им всякое согрешение, вольное и невольное (*поклон*) и душам нашим полезная сотвори (*поклон*).

Молитва о усопших

Упокой, Господи, души усопших раб Твоих: [родителей моих], сродников, благодетелей (*имена их*), и всех православных христиан (*поклон*), и елико в житий сем яко человецы согрешиша, Ты же, яко Человеколюбец Бог, прости их и помилуй (*поклон*), вечныя муки избави (*поклон*), Небесному Царствию причастники учини (*поклон*) и душам нашим полезная сотвори (*поклон*).

Окончание молитв

Достойно есть яко воистинну блажити Тя, Богородицу,

Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без исления Бога Слова рождшую, сущую Богородицу Тя величаем. (Поклон.)

[От Пасхи до Вознесения вместо этой молитвы читается припев и ирмос 9-й песни Пасхального канона:

Ангел вопияше Благодатней: Чистая Дево, радуйся! И паки реку: радуйся! Твой Сын воскрес тридневен от гроба и мертвья воздвигнувый; людие, веселитесь!

Светися, светися, новый Иерусалиме, слава бо Господня на Тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

В двенадцатые праздники читается задостойник праздника.]

Слава, и ныне: Господи, помилуй. (Трижды.)

Господи Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых помилуй и спаси нас, яко Благ и Человеколюбец. Аминь.

Молитвы на сон грядущим

Во имя Отца, и Сына, и Святаго Духа. Аминь. Молитвами святых отец наших, Господи Иисусе Христе Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

[От Пасхи до Вознесения вместо этой молитвы читается тропарь:

Христос воскрес из мертвых, смертию смерть поправ, и сущим во гробех живот даровав. (Трижды.)

От Вознесения до Троицы после молитвы предначинательной сразу читаем «Святый Боже...».]

Святый Боже, Святый Крепкий, Святый Безсмертный, помилуй нас. (Трижды.)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи

наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. (*Трижды.*) Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари

Помилуй нас, Господи, помилуй нас; всякаго бо ответа недоумюще, сию Ти молитву, яко Владыце, грешнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне, яко благоутробен, и избави ны от враг наших; Ты бо еси Бог наш, и мы людие Твои, вси дела руку Твоею, и имя Твое призываем.

И ныне: Милосердия двери отверзи нам, благословенная Богородице, надеющиися на Тя да не погибнем, но да избавимся Тобою от бед: Ты бо еси спасение рода христианскаго.

Господи, помилуй. (*12 раз.*)

Молитва 1-я, святого Макария Великого, к Богу Отцу

Бóже вѣчный и Царю всякаго создáния, сподобивый мя да́же в час сей dospéти, прости ми грехи́, яже сотвори́х в сей день дѣлом, слóвом и помышлѣнием, и очисти, Гбсподи, смиренную мою́ дúшу от всякия сквѣрны плóти и дúха. И даждь ми, Гбсподи, в но́щи сей сон прейти́ в ми́ре, да востáв от смиреннаго ми лóжа, благоугождú пресвятóму и́мени Твоёмú, во вся дни живота́ моего́, и поперу́ борю́щия мя враги́ плотскiя и безплóтныя. И избáви мя, Гбсподи, от помышлѣний сýетных, оскверняющих мя, и пóхотей лука́вых. Яко Твое́ есть царство и сила и сла́ва, Отца́ и Сына и Свята́го Дúха, ны́не и прiсно и во вѣки векóв. Амiнь.

Конец ознакомительного фрагмента.

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.